

養知書屋詩集卷三

湘陰郭嵩燾筠仙著

與方重

季孫可仕貧沈猶聞往教聖哲固有殊與世隨屈撓方
君雖小吏浪放靡所校屑屑瀆沉間重韉踏兩勒奇頑
我自負恂愁誰比較謂當分道驅驤步各超踔翻然見
賢我曰性所好樂初疑不羈人示坦去礲礪徐徐探其
原受材如庾窖作詩吐胸臆往往困搜敲及觀所蹈履
觸處見乖拗我冠習軟媚婉變爭自效睢盱張兩眸高
視肆騰趨持此咄流輩曷足煩筵玳君看磊落才幾能

辭濫淖與予稍周旋心親匪外貌作歌頗張大風雨出
飛飽聲律予未諧稍識牛鳴窮堂坳芥浮水置杯淺則
膠海鯨鬣如山敞筍誰能罩奔攘較驍懦相視一鬪鬪
世人浪闖測有如管覷豹終當逐飛鳴一別隨響爆他
日能思君更放山陰櫂

胡雲璣
記瞻圖

日月行天蟻旋磨皇皇聖哲相代作與君生世安得閒
徒用苦心悲坎坷丈夫不學縱橫術掇拾卿相療寒餓
何爲俯首塵埃間雪鬢飄蕭老賓佐九疑嶼天洞庭險
驚沙屢碾車塵過豈如君住若耶溪禹穴梅林對高臥

馬搗畫地響颼颼笑指鞢閑困芻莖與君同是天涯人
一生苦累浮名播營求短絆汲深泉有似避道遊蓬壘
空畱白雲照崖谷日暮淒煙生土銜吁嗟孤矢生之初
歲月奔騰今老大古來賢俊盡栖皇顧我形容堪笑唾
歸舟理榜要自慰倒囊傾盎還一挫君歸奉母三十年
無憂隱几青氊破薄餉寧辭魚菽乏晴春兼理桑麻課
捧槃貢七一歡笑從教萬事付頑情吾詩雖俚語非謾
收藏勿被塵泥沈

寄呈陸方伯

建瀛

昔遊越鶴間西師難初構灌門事反覆燹至帆檣湊轉

深掠崖山石火裂穹岫更聞閩與粵萬舶奔飛溜昭昭
睹天狼有弧不及殼須防章武郡在國屏藩舊廩廩河
東公屹立憎強寇 至尊屢詔問動色觀敷奏堯皋古
賢聖在法無竝育張皇中興業豈不資介冑健者扶其
綱豁若清宇宙以此受 聖知出入旄麾驟日吾忝北
征燿火息邊堠較然智勇姿許與由邂逅難爲立談際
胸膈廓岩竇迨觀公子賢出羣有飛鷲萬人伏勁氣玉
立清且瘦阿翁懷蹇蹇百物俱在圃瘡痍雖小殄庶事
亦孔疚予志誠區區生平事悠悠謬三年營一飽敗甌無
宿畱猶思理戈及瓌瓌效奔走古來有濫孽始幾戒深

狂庶資排幹力憂來豁瞽瞍別顏無幾申夢想更節候
作詩寄慨慷聊用助清脩

水晶閣

天半峇巽眼頻來閣上看一身嗟老大萬景逼高寒村
樹低晴塢城煙暗晚巒攜尊獨來往猶贖酒懷寬

形勝此無匹山川舊有名軒楹孤客影煙火萬家聲宿
鳥諳農事春遊見物情滔滔東逝水俯仰愧浮生

送陳

霖

卽題其山居圖

去年風雪看梅日尊酒逢君暮雨間今日梨花春更晚
一鞭殘照出梅山

小隊旌旗願或償
男兒未老鬢先蒼
水城山郭看何似
煙雨江南是故鄉

黃山斷處接宣州
種竹栽菘憶舊遊
一臥滄江驚夢醒
故山吾亦有菟裘

余秋恬捕魚圖

春江水暖鱖魚肥
日暮收船放網歸
欲覓蒼崖深處泊
鷓鴣驚起滿江飛

東風楊柳軟誰如
淺漾春波綠映裾
記得富春江上過
畫欄紅袖買鱖魚

高平離感

浪跡江湖外深居玩歲華瘴添穹岫雨階臥淺叢花驛
樹深翻鳥岩藤曲庇蛇蠻荒冬意薄始信隔天涯

石柱嵯峨立依依似客間江通瀆邵水雲雜漢搖山歲
晏松篁裏心摧霧雨間翻思理歸楫東下問潺湲

海內南村老崢嶸一草堂山川人共古松桂晚逾蒼天
意畱耆舊斯文恐散亡流連詩老宅眷眷引杯長

東郭承熙寺雲山得數過遺樟侵霧雨古殿蔓藤蘿阜
蓋冬遊少蒼山暮景多樓禪蹤跡在流滯滿關河

處處檉松古山山橘柚香夷蠻皆宿慮風雨且殊方廊
廟才非少詩書願易償小臣千萬里長此奉堯湯

天半家山淚源源到眼來臥牀思病母百念委寒灰城
郭低迷晚雲煙寂歷開生兒求識字所得竟何哉
細數生平事吾謀匪自今升沈天地遠去住雪霜深巖
壑隨人影松杉入谷音昔賢有憂患恐懼失初心

遊北塔呈李

春暄

明府

雪霽天宇曠杲日薄林垆信步北城遊微風語塔鈴循
涂豁層覽飛空聳亭亭藻崖發雲構燭罅洞風櫺丹碧
峭填眼恍怱導百靈喧晨晚海日晡夕動天星北流壓
莽曠伏地走奔霆維山迤南岡蹙石排高青颯然遊矚
心庶此殷窈冥晚歸寒梅層雲送餘馨翩如凌紫虛

兀兀夢魂醒李侯有餘興呼酒倒空瓶醉語破幽險灑
筆濡寒廳

顧希元
蘭花障子

顧榮埽壁延幽意細雨疏簾冉冉香淺澗松醪斟滿盞
臥聞蘭氣襲虛堂小池幽壑花微動明月空山草半荒
芳澤無多人已去扁舟昨夜泛瀟湘

歐陽紀餽乾豆炙卵

腐儒缺麤糲糝糞救嘔飢豈知飫館餐退食飽委蛇近
江取筋鱖啜水充糲醜職事百無營臥起窮酣嬉又累
抱關吏分惠到齏糜乾豆雜雞團規矩方員施自云親

燔炙點抹脂與飴譬如嫫女顏塗刻成蛾眉朽株苟先
容樹功在離奇人言肉食鄙肉食豈無宜沾丐雖餘腥
猶足充鼎鼐我獨愛其眞羅列施堇葵淮南實奇腐斯
味頗稱之但愁得二卵或匪干城姿計較生年窮飽食
豈素期膾炙在人口惟有傾囊詩陶潛昔乞食思以冥
報貽辱贈心悵悵寄謝瓊瑰辭

書事

冬十一月日建丑夜半衝風穿戶牖雷聲騰騰落何處
搜攬四壁驚電走訇然雨雪如波濤猛虬虒虎怒相吼
斂襟起立怯闕眊卻坐使我沈歎久去年冬雷走砰磅

今年雷雹一尺強年年歲歲雷驚耳陰陽失御理乖常
不然蛟龍失窟穴碾山掠海奔踉蹌五行志異有傳說
小儒瑣屑稽災祥豈知穹蒼回幹力聲勢蟠騰天北極
風雷簸盪滄溟深東海窮夷慘無色兩年窮壖盛殺氣
地軸倒轉天輪側卽今一怒焉可得爾豈令霜雪逼
狂夫覓紙書歲時廟堂補闕天得知

歲暮寄唐

治

朔風日迴薄霜雪來無時志士多慨慷常與憂患期窮
年氣彌厲懷方守茅茨激揚思古人其道猶塌筮叔末
多澆訛斯事遂陵夷波蕩豈一朝達者懷其悲襄城古

遺直風裁良獨持當時悻直風翩如鳳來儀強梁爲禡
氣至今想遺規豈聞官府居賤士同鹿麋褊心傲羣策
所職惟委蛇希風篚篚間御法如繭絲瓶大瓶罌小所
施豈無宜經術苟不尊言者爲詆謨凡世之所能君也
顧而嗤獨眼睇飛沈百怪供指搗脣吻含風霜身角磨
蛟螭鉏姦疾扶背神鬼如列眉要能視癥結磨刃抵其
疵徒言感激多豈免爲孤羈古道今復淪縑帛連勝帷
君又彌縫之晚出稱經師囊括諸家言不令當鼓旗亦
時發墨守九幽燭前疑方今廟堂士誰復如爾爲凡君
之所能世亦顧而嘻噫我結交初與俗固參差東觀浙

江濤西聯長安騎堂堂幕府開濯濯歲寒姿於時眾賓
席昂藏臥老罷傾身與之言坐涌忘津涯從茲得款要
投分抽肝脾移榻就周璆乞書從賈逵庭前兩桂樹凍
雨溜蒼枝摩挲感生意懸知有乖離海鯨狎波濤碣石
羅旌麾抗憤眞吾徒忍蹈鋒鏑危有如滄洲渠決而東
西之我車整秋塗萬嶺高嶽巖起踏逢愁霖愧色在頽
頽君爲脂其牽朱提出纍纍昨旬書始來告歸迫寒曦
焉知策疲駘踏蹴愁冰漸寄惠百篇詩哀豔天葩披又
作樂府歌意勤語葳蕤紆餘盞春雲澹宕澄秋陂徒茲
見稱異未免視毛皮夫子實至性爲心固崛竒不殊身

觸邪一角光鬚鬚猶風走塵沙蔓草纏岩坻幸免荷戈
戟歸還就東菑暫息飢渴憂柴門枳棘籬妻帑慰酒缸
洗盞儲餽飽鳴瑟鏗清箏開懷焉肯辭悲君老秃翁膝
下無雛兒麒麟不虛生蟄壑起躩踞晚實昌且繁語君
無愧詞誰知天下士義不繫其私豈是兒女謀得仗聲
名垂黃鵠雖微禽側眼在天陲排闥叩九閭六龍何透
迤天門高峩峩羅列斗與箕陰風肆咆哮涕下如綆糜
羣嬉集旁睨指摘以盱眙明時憂慘澹古道無紛歧悠
悠四海心斯意其誰知別來江頭月往復成盈虧願言
駐君顏庶以昌吾詩

龔迺訓畫蟬

蟪蛄遊草苴。蠛蠓集叢薄。秋蟬爾何爲。翩然向寥廓。鷦鷯呼與言。予力能爾託。霜風振林樾。且忍其帷幕。老蟬不職事。垂頭但唯諾。願爾蟲豸微。神物今蕭索。來儀古盛時。鏘鳴及飛躍。搏拊鏗九韶。因緣窺五柞。自從笙球寂。百物俱淪落。蟲螿競凌越。蠛蠓快囓嚼。兩者無一諧。孤懸抱嶮嶮。拍張咫尺地。槁死黏枯籜。籟餘聲徒滿聽。窸窣山銜郭。畫師爲此畫。老氣鬱盤礴。世人逐聲響。巨眼見揮霍。愴然爲詩歌。聊助一笑謔。

龔迺訓畫梅

詩人愛梅爲梅役淨埽晴窗配寒石偶然作態出橫枝
屈鐵盤虬纒一尺亭亭霜雪壓崖谷氣骨乃有詩人格
前年天竺西湖寺斷冰挂樹畱行跡富春江上更千株
一角寒山晃晴壁攀香摘豔醉不辭墜鳥驚猿皆辟易
豈知好梅出心性三年夢冷酒懷窄龔生何處得此本
曲榦斜枝紛委積得無好事吐心胸移入孤山風雨夕
埋藏塵土照幽骨撫卷摩挲三歎惜我詩才薄易語言
未免塵埃勞倚摭苦將寒瘦闕奇古不分清癯著山澤
豈如酌酒溪橋路暮雪疲驢尋短策區區詩畫何足珍
還視此梅應眼白請君藏此莫浪傳花時攜飲江上宅

文昌閣看荷花限韻同易

堂俊蕭 貢淮 嵇讚 作二首

炎蒸鬱盛夏羣動皆求息吾儕磊落人造意清曠域城
東有遺構飛棟實崩另五年城土眯萬事風電逼往往
舊經遊屈盤在胸臆今晨二三子走約除荆棘秋荷復
爛漫落景銜翕絕清風如故人脩然來舊識芬芳爲君
發亭亭照幽色舉荷溜寒醪修篔紵以直交姿舞長柳
流波去如織披離出晚秀幽豔見深植泛觴孤芳裏痛
飲真自得名池沁微馨天水淨如拭悠悠玉池雲浸影
湖波黑塵蹤久恂恍竟日歡遊陟淒清風露下濫濫冰

輪側

北遊崆峒山問道無消息念昔已荒遐厥心有畛域存
畱古日月到今飛蘄劣義和困鞭笞反畏高穹逼嗚呼
賢聖資騰軒猶在臆浮生固多涂爲間繁荆棘曹劉雖
小道名聲死赫赭洞深無虛響象外資遠識斯文異軌
徑如女有正色濂溪妙荷理中通而外直天然發韶豔
芬郁誰鏤織雜處汗泥間濯濯媚幽植文辭豈關道深
造期有得諸君氣方銳如鏡光新拭吾師老聃訓知白
善守黑冥心會淵妙卓立困躋陟微風蕩幽馥惆悵金
樽側

七夕飲陳嶸宅以乞巧迎秋爲韻四首

脫略酒徒衣短褌來往城西誇健倔楚國山川足慨慷
瑣屑聲名歸宋屈君家咫尺祝融峯剝棗烹葵許分乞
空嗟寂寞著書人鄭虔老死揚雄吃

昨夜西風漲湖泖明星挂戶秋愁攪泳飛亭畔又今宵
夜半橫天看參昴鵲聲嘯喙鳩自笑世眼紛紛論拙巧
狂夫爛醉盃茗間風露徐霑襟袖飽

枇杷葉老鷓鴣鳴梧桐一片摧秋聲望湘坊西孤月白
壓缸酒熟黃茅城書生膽氣困庭戶深檐燒燭能眼明
何時跨馬親秋獮腰鞬服弩千軍迎

雁峯鳴雁號清秋白雲招隱蒼巖幽浪倚才名拓金戟

酣歌起上澄湘樓高尊大杓助狼藉百榼一瀉酒濤流
明朝人事誰復料南浮更鼓湘江舟

陳隆鈞畫蟬

世上貂蟬著滿身疏林矮屋誰相親晝長無人聲滿樹
濯濯楊柳風吹塵書生念汝清難得致汝雲霄恐無力
安能橫飛效時用老抱枯枝空歎息

長沙阻風戲與宋

熾昌

及族叔

家壩

兩秀才

狂夫役人事挽棹向秋霖自感窮愁耳偏傷遲暮心十
年憂水潦一雨遂侵尋更入扁舟夜浪浪淚滿襟

困臥湘江晚顛風狎二豪今晨怒辭去獨耳聽刁騷舊

約滄洲遠空傷旅泊勞天心浩蕩蕩垂戒示秋濤

送張廣文歸武陵

薄宦棲遲歲月深西風一棹下江潯湖雲湘水參差夢
社燕征鴻斷續音君去蓬蒿深滿徑好憑洲澗照歸心
武陵秋漲漁莊晚昨歲扁舟傍苦吟

泛舟南湖至百花洲

涵虛亭畔夕陽斜淺水浮舟亦有涯四月南風吹百草
一湖晴漲繞千家樓臺嬌妮春餘柳亭沼淒迷暖後花
更上芳洲尋菜圃煙蓑穩著釣魚槎

鷺洲呈陳三兄太守

一洲藏曲折兩水會淪漪古木青天遠滄江白日遲孤
城雲欲暗高閣草潛滋更入絃歌耳冷風度講帷

陳太守

源亮

招同鄧孝廉

蔚春

飲鄧君有詩次韻二首

章貢回流繞郭深故人行櫂有清音居然寂寞山林逸
來證蕭疏澗壑心叢桂戛風聲樸藪刺桐障日影蕭森
爲君重譜湖陰曲汲井烹蔬憶故岑

使君高唱已先聲能事風流近老成一夕清尊秋後景
三人明月夜深情青山合著詩人共華髮偏尋倦客生
獨有憂時雲漢意來朝課雨出重城

朝朝擊鼓更烹鮮老便官衙莫問年小閣微雲二畝竹

清池流水半弓蓮一鏡笑語徵遺事十日衣裾更小延
願得將軍從事褶橫馳寶鉸看星纏

青原山

青原盤盤天所開鬱蔥曠奧氣佳哉山門洞豁發幽境
晃盪煙霧藏樓臺叢林大嶂松竹暗一覽數步千崔嵬
回欄跨空兩山峙奔湍灑落寒雲堆天風轉靜人語寂
鳥聲自喜泉聲哀榜書麗偉照崖谷凜凜正氣排雲雷
當時讀書志豈異亦有山水供談詠匡山震裂黃冠隕
興廢萬變成寒灰空畱遺跡發吟歎逝波不見東流迴
名山大壑蠹猶昔追求往事無由陪衝風來吹雨灑地

爲我塵躅清淨埃寒亭片石難久憩布襪青鞵歸去來

送鄧孝廉

蔚春

南歸兼訊趙廣文

璘

炎蒸浩行役汗雨如流瀋翻然戒歸塗十步九踣蹶長
河駕高浪盛夏寒淒凜扁舟不容席醉臥酣午枕更道
主人賢供給增酒品掉頭不肯顧落落風吹袵君家聽
松泉清冽足瓢飲淖田逢薄旱我稼亦豐稔吟哦一室
間快意有高廩杜韓聖云徂風雅道斯寢闕鑽向文字
有類魚含淄嗟予雖強事貌飾匪天稟不如理荒寒語
言綴蘇桂空山蓄古木閉戶事鐫鏤爲吾謝趙公雕鏤
母已甚鬢眉兩老迂執經待研審

蔣毓豐太守詩冊

萬言摩壁龍螭窟千嶂梯空虎豹關能事流傳使君筆
邊聲激宕鬱林山意親風雅餘強健夢落滄洲一往還
品畫論詩兩奇絕久淪吾道失躋攀

送汪太史

廷儒

使畢還朝

人才如木藏山川大中梁柱小桷椽古來選舉妙求實
取諸兩鄭二劉間國朝貢士歸一法整齊民志非偶
然斯途尙存鄉舉意未可據古分愚賢吾師船山遺老
說元黃剖判今古懸要祛舛鄙崇儒雅寓文於道無頗
偏古皇造士有精意規取法外操衡權本原苟得文豈

異政用秀野呈媿妍故知用法在人耳意有獨到非心
傳使君文章有根柢特假一障乘輶軒豫章舊是人文
藪有類寶氣含潭淵精搜密課到深處察君道誼寧幾
幾才人作技妙天下詩畫點綴皆清鮮鄭虔三絕君得
二寓彼小道其神全自言山中有老母明年歸飲惠山
泉三年操筆治文事不惜歸耕下潁田嗟予無能效奔
走亦有泛駕從鞿韉抱能未展苦窒闕俯仰世事空雲
煙祇如文章一小伎 國家垂法二百年後生靡靡求
聲律江河直下窮洞沿誰能探本篤經術斷潢無潦終
涓涓多慚任遠閭聞道從君卒業南山巔

陳太守落葉哀蟬圖

君不見漢宮圖低昂殿闕今古無離宮三百又六十東
跨滄海求蓬壺一朝秋風入幃薄還倚寶瑟傷名姝盛
衰哀樂豈足計瀚臺一悔終區區殿前銅人高岌岌再
傳已見埋榛蕪鐘鳴落葉曲空在有淚不注昆明湖陳
君鬱鬱復何事祇有愁歎無歡娛閉門三日雨灑榻我
獨覺子形骸孤東城緩步西城飲醉歸滿壁逃颺颺哀
蟬挂枝風響戶起踏落葉空庭隅不見莊生齊物論鼓
盆示達多矯誣奉倩徒傷漆園傲曾參妙識斯吾徒生
人知慧具心性百年一盡無賢愚莫論陰雨相照勉指

觀物化同噫吁披圖惻惻寄哀怨傾觴一酌聊須臾

猛虎灘

猛虎不在山入水神先窘咆哮殷地裂作劇堪一哂
欲負兩臂凹中一石隕鉤身類抵罅貪逐纔見朕似王
導江漢自東有恆準西流恣回薄呼吸百川盡櫛櫓功
安施疏排謝不敏憑陵委異物萬古含臙脰尺寸汙泥
中偪仄離蛟蚓翻愁腹中過甘作机上忍安能削根株
浩蕩通楛筥耽耽豈爾能天地有域畛

夾沙灘

灘流漸紆徐狂險百不逮尺波復洶洶水與石相制麤

沙入大冶東盡長川逝上巖蟠積鐵危壓若癩綴水源
絕乾號歛見天地閉洶湍走石罅逗撓奔更銳拳然一
頑物放溜實借勢大哉江海性魚龍森備衛一物不爲
梗自古無淹滯荒遐失開鑿此水日凌替吁嗟沙礫場
我舟豈利濟周道尙舒夷攢聚紛猥細蹇衣起何適隄
防誤一蹶道塗有沮洳恐自巢燧世匪予獨悵惘凡百
慎壅蔽

江樹

江樹當春日生成不自疑洩雲高處蔭竦榦眾中奇積
霰身難任皇天意肯移摧殘增道力此物亦良規

奉簡陳信州五首

生事甘貧役知深遂道途道卑無磊落世隘任崎嶇
色山窺席歸帆雪滿湖王符高論在或許續潛夫

世道嗟淪替由來匪一朝但持寬大意常使怨愁消
論事杯頻把懷人髮半凋寒江波浪闊還棹酒船遙

幾日滄江別三年薄宦心澄清才必展宵小謗防深
風緊殘宵角天橫傍曉參嘉名常照我不必感升沈

日月還移歲煙霜故滿天祇知清似水空惜直如弦
曲示生成大無嫌雨露偏小夫輕道義知識古人賢

落日催歸楫微流帶淺灘風多常作瘴冬久苦無寒
遠

道非今日多憂竟百端不眠心炯炯江月夜迷漫

養知書屋詩集卷四

湘陰郭嵩燾筠仙著

新鄭寄李明經兄

應垣

三首

今日雲山隔城樓望眼深虎牢天壯闊縮穴地蕭森五
載浮沈夢孤雲去住心窮途真自分虛費短長吟

別久心猶昨愁吟又一時沙平風蹴地河凍水流澌託
迹寬飄蕩傳聲慰別離舊諳疏嬾性不責報書遲

世事餘揮涕空畱恍髀身日知憂患久道與聖賢鄰萬
族皆求益吾心得返醇與君期此志同道莫淹淪

送陳

源豫

南歸

渾河浩揚旌白日照行色東臨溟渤深吹袂迴風側旅
役亦多門蹈困無獨息阿兄古君子朝參列清職室家
有凋喪哽咽在胸臆君行護歸旒越道風霜逼嗚呼骨
肉情急難何由得古之賢達人樹立必岌岌書家游藝
資在聖貽典式鍾張有浩氣萬弩回筆力雷雨根青冥
松柏挺正直君時與盤礴往往幘濡墨於時所尊事足
以樹奇特吾耽草聖意未習古法則波瀾頗見委巾篋
常充塞冥想見揮毫俊氣資遠識去君如決驟感念廢
餐食要當潤鴻都豈獨資篆刻南宮試今法規程苦偪
仄安能逐君翔使我生羽翼

送王待聘歸湘鄉兼寄曾九弟國荃

燕山九月交衝風起高埃君行復蹇滯雨急寒雲摧起
酤燕市酒掉臂歸去來玉泉不解飢歸飲湘山隈古之
求仕人實資駕御才不爾衣逢掖觸境生愁猜山林迹
未埽肯遺蒿與萊告歸雖云促撫迹良恢恢念君蹇初
臨顏色如潑灰吾徒慎出處甚於女求媒得非狂簡資
斐然無所裁徐徐究其原所得實艱哉皇天陶萬彙媿
娜呈良材大小各有程基始於根莖枉勞尺寸間取效
規徂徠君看出轅櫟頗亦勞滋培嵬柯與大葉顧免斤
斧災丈夫志四方忍爲別離哀得歸不猶愈且往無徘徊

徊滯畱我何營白日西山頽車塵高於頂兩耳過風雷
恐懼所得微未足償嘲談曾家好昆季荃也抱奇瑰終
須貢天衢載起黃金臺吾儕坐自媿聲名相誼厯幸因
達區區孤懷爲君開

大編行效張文昌體

大編峩峩高百尺畫檻身檣半天赤鳧雛起沒蔣芽肥
江風吹船人到稀巡漕使者何曾見爭持華靡邀深眷
年年科斂公使錢棄舊翻新水中變催科力做今何有
公私巧盡翻覆手官倉入少糜費多柰此峩峩大編何

靖海縣

水程無百里江郭帶千家板屋編疏柳秋場綴晚瓜傍
村喧鳥雀近市覓魚鮫河海茲輸委能浮八月槎

河西堡遇雨

小市人停薄笨車隔江雲起暗村墟從驚一雨誼闡外
忽憶平生浪泊餘萬里湖湘半螻蟻十年溝澮困龍魚
得逃災網違南潦騰踏泥塗計未疏

法源寺

閶闔雲煙近仍存祇樹園江山自唐代碑版照空門殿
草含風細園花過雨繁坐闌鐘響定催上月黃昏

異代驚人眼森嚴禁籞長春雲低戶影晴日駐鑪香金

碧殿寥廓貂璫忽散亡紛紛事祠禱吾欲問穹蒼

送吳英樾之官浙江

憶昔往返南湖里穿渠繞檻皆流水春鳩啼曉桑葉暗
終日抱書深屋裏州門搥鼓急徵士晴湖水漲孤舟起
十年許與有深契出同憂患入同喜君今崛起朝明光
便殿奏策聲飛揚承明述作豈屑意拂袖看海東扶桑
峩冠大旆動朝日出門一笑天風長空殘四海習鑿齒
白晝看雲還憶鄉

昔我南尋會稽穴越中巖壑恣奇絕松篁嶺際白雲飛
湖上樓臺互明滅三年不喚湖西渡石埭南屏競傳說

攜歸一片鏡湖石似賸梅林澗邊雪
誼然一雨四海驚海波東挾吳山
傾橫流蕩瀟安所憩禹迹半汨揚
與荆蓮汀荻港不復辨萬泊泥潦
無人耕君行錢王射潮處試抉利
劍屠長鯨

樓船將軍前歲來滌閩邊粵卻復
回灌門一夜千檣集暝駕白浪高
崔嵬島夷貢納阻一水崖山蕩蕩
誰所開豈無牧令驅除力徵兵十
道何有哉海門烽火諸城逼當官
慘澹無顏色廟堂深意且招徠逡
巡恣彼闕門閩雕弓鑱甲足侯要
小邦亦古子男國萬一天綱有凋
瘵君須走馬前殺賊

天下求治見治難郡邑得理天下安越中流亡小家屋
越人言之心膽寒賦窮官困兩俱敝使符泛濫誰敢寬
潭潭大度稱大府詎舍正道崇欺謾嗟君一官百寮底
巨石壓頂徒爲耳丈夫作強人聞世滄溟動地日千里
低顏斂版期自效志節雖存能復幾一言持贈君當思
飢時且飲西湖水

我行且歌南山粲眼看邑子日璀璨玉筍山人有道氣
新組垂腰不及骭隴西公子褐裘來高文典冊雄江漢
年華未滿名俱盛有如江海百川灌念昔角逐如雲龍
飄然獨躡雲海蹤看君眉宇有俊氣太阿出匣能藏鋒

上書貢策豈吾分寸蒿敢許希長松明年春漲拓湖淥
酒酣憶我南高峯

紀事

我車南邁薄炎日鎔冶天地相薰炙安能雷雨入我腸
煩促瀚除百憂失道旁父老歎息言指示二麥無半存
決渠不能補地裂乾風號野水枯源自冬不雨已五月
雖有萊蕪今亦沒不省 朝廷有遺政衰賤無由叩

天闕借問驅馬來何方使車貢士接窮鄉豈無旱乾與
水溢曷不持此貢 廟堂聞言恟恍覩無色補闕拾遺
非我職況今 宵旰憂烝黎沛然下 詔皆寬德恆賜

三
僭及暑雨後青天蕩蕩今何有陰陽乖互匪常數誰階
之厲君知否吁嗟 主聖臣須良旱澇豈足憂堯湯我
甘廢置歸田里誰能持此報 天子

王君讀書圖陸員外

鍾漢

屬作

天河夜淨秋耿耿小樓如甕棲寒影巍冠大帶多憂虞
誰能玩此須臾景才名得似杜陵人抱書不出動經旬
蓬蒿尺深鐙火暗高歌見駭東家鄰陸生持論有邊幅
頗道君文似賈服承明肯濫未渠登乃使吾徒司箸錄
老羆臥病文斑斑我識劉禎非等閒

劉棻元
學正

讀書用世

政須此莫倚箸述藏名山

送陳星煥之官保定

騏驥據地鳴所志在行遠但甘爲人役亦不計虞阪皇
皇百里寄豈日資踟蹰莫言趨走拙有觸皆矛盾匪躬
甯計資在事惟蹇蹇冠幘雖貌節要與發忱惻斯民匪
姦頑與之以息偃簿書誰能去達者宜知本勉哉寬作
程寄慰予纒纒

送李孝廉

慶清

歸湘潭

隼鷲見羈紲搶地不逾咫因循謀飲啄未要矜爪觜嗟
君亦人豪奇窮所向是一第四十強謂足資生理仍然
困寒餓小得不豐已自攜所著書痛飲遊都市持此尙

安歸攘詢速蓄耳喟予與同道相顧徒汗泚馳函發薦
口有往邁讒毀坐令子術窮詎非吾道恥聖賢惜小節
斤斤防視指胡不稍貶抑而自持倣詭終然不見容告
別無淹暑躄難召猜嫌動輒集疣疔丈夫不諧眾歸卽
營耕耜爲生固多塗無爲浪悲喜

爲洪君題其大父吳興守著書圖

聖賢揭日月餘眾隨邱墟士生無百年曷不早著書吳
興老使君拙宦百不如生平一寸心六經手耘鋤博採
經濟資泛濫晁董餘斷斷陳水利足備河渠疏惜哉不
一試高冢叢煙蕪名孫抱遺經默契著書初崇岡鬱松

桂尙想子雲居世俗急榮名空腹如瓠壺徒聞磊落士
皓首箋蟲魚雖得一命榮詎使心膽舒斯人不世生終
爲聖者徒茫然覩祿食撫臆爲歔歔先人遺著卒業
歸敝廬

與周大令

琛

周侯有能事眾許文章伯高軒日我我別我忽有適苦
辭拙奔走謬謂著朝籍令宰雖微曹役人匪人役誰使
伺聲息在事靡所益疵瑕恣求取塵埃因据撫崢嶸百
里任眾口所交責平生志區區見枉在胸膈諒哉君之
言所得過疇昔士方厭糠粃自處介如石有得遂委蛇

願步罕所擇豈無尺寸效足以紓吾策棄之不肯顧汲
汲求恩澤世情予久練頗亦諳計畫見好當有詢再拜
請前席

奉贈唐太常丈

關閩閩音塵少賤聞聞道頗闕曩聖書唵然事幽討自
睹太常公寤寐契義線孔周有續述經天日杲杲新安
極波瀾滄派開浩渺異世稍詆媿眾水奔潢潦諸老盛
文章後生失咨考先生表絕學力障狂瀾倒哀爲一家
言劃若風電埽歷官三十年名蹟日彫槁及歸理殘缺
日月再清昊平生疏瀹功亮節貫華皓用將契伊呂舍

則師杖顙鳳圖嗟冥遠撫迹增哀愀吾徒謬一第曷以
盡懷抱覲顏效時趨高論收人表申伏有高年作詩致
祝禱

贈劉刺史衡

劉侯生世非常傳十年浪迹幽并游割鮮呼酒倡家樓
轟然摩笛聞名謳掀鬢一笑回青眸倒裝歸典驕驕裘
忽攜尺筆挾雙輶走看滄海連天浮津門戔戔擁戈矛
馳矛盪決被短禱窮夷退駛兵始休君亦釋褐海東頭
致身三輔古諸侯閉門一臥空三秋使車召對還相收
濫惠有似魚含鉤故人意氣高嵩邱五載一見相綢繆

長弓挂壁劔脫鞬縱橫自笑猶昔不我身甫掖希魯鄒
熬文煎字誰相讎男兒手挽軍門袍一鼓坐致車前騶
安能抱書聲咿嚶較量得失宜君優雖然列職非昔侔
郡縣亦與君國憂請崇干羽脫兜鍪紛紛流輩爲身謀
看君嶽立追前修名聲萬口騰九州高談得酒如泉流
佶屈往復奔我喉付君一諷宮商酬

送吳

開煦

之山西

羣雅之才一百六多在君家伯仲間可憐鬱鬱好懷抱
世路悠悠值等閒四塞天低連雨雪二陵秋老共雲山
請看潘岳西征賦衰草寒花滿路斑

青楓江上憶歸田
郡邑蕭條十四年
楚老相逢談近事
川流何意竟滔天
魚龍不礙江湖闊
燕雀終憂巢室懸
幾日洞庭鰕菜興
不容張翰有歸船

徬徨將子出郊坰
望望孤雲度井陘
萬里青楊通嶮塞
九秋黃葉滿汾亭
朝廷已知弱翁政
子去方受桓榮經
仲容三載獨不見
爲予問訊老槐廳

書趙廣文

璘

詩集卽送其南歸三首

長夜耽高詠
暉暉落野星
生涯隨老馬
時節近秋螢
浪迹頭將白
耽詩眼並青
銅官江上雨
還憶子雲亭

門戶支何術
嗟哉力豈能
世情諳似夢
歸興冷於冰
江

岸梅叢萼山莊月半棱多謀防損性往事固宜懲

萬代荒詩境艱難出坦塗小時徒昵昵眾目已瞿瞿君
試劔蓬累吾將踞竈觚斯謀疏又拙視古或同符

戲作三首

漢王好道想蓬壺眼前卽是未爲迂黃金可成河可塞
但問君王有意無

祁祁采藥蓬萊去跨鳳驂鸞各不同東方小兒祇一笑
踏翻雷電泰山宮

文成五利本同師互相誹薄得非癡君但不求服食者
逶迤漢殿欲何爲

贈陳慶覃侍御丈二首

今代乘驄馬流傳復幾人 廟堂歸直筆歌詠著聞身

垂柳塵侵道餘花雨洗春白頭霑酒盞詩筆動如神

嶽嶽蘇

廷魁陳

慶鏞輩清時有諫書何期鷹隼擊翻惜蕙蘭

鋤挾策思前席凌雲屬子虛願聞徵賈誼不必薄相如

戲簡李如崑

李侯索詩如索逋三日五日窮追呼迂儒巧逃文字網

失身恐被鉛黃污常時雕鐫及蟲鳥見人揜蔽如狂鼯

先生好事不暇擇掇拾泥滓收康瓠阿城善書頗過我

爲君抉取韓與蘇二君自古巧言語數紙亦足充君娛

奈何誅求不肯息豈有異嗜如齊竽秋風揚沙走別我
知君厭宋思江湖鄉心天外落鴻雁詩思水底翻菰蒲
枉勞索書置不理未免額蹙心鬱紆吁嗟詩文直小道
杜陵雖聖身羈孤琢磨心性出苦語與眾異趣甯非迂
故人拙計委見錄篤嗜不捨真吾徒當時一別深悵惘
杳杳落日低平蕪作詩寄謝敢忘好願更報我投瓊瑜

桂太守

超萬

招飲園

東遊闐闐城蓄意窺驄馬使君老聞道所至望陶冶生
平見賢心再拜親風雅園園促張讌展席松陰下園池
俱屬落草木實疏野雲煙積石滄雷雨飛湍瀉先生滄

浪詠感激何瀟灑井稅春陵期風雨襄陽廈何曾得少
閒民物不相捨端應爲吾輩得閒侍尊筆出其所爲詩
戢戢多如把斯文章韋白徒潤色及民社始知賢達意樹
立非苟且秋風理黃菊就覓吳淞鮓爲公譜佳政醉後
一披寫

奉贈陸中丞文

建瀛

吾楚江漢隅大賢實開發往往立聲名屹起偃溟渤自
古經濟才致身必斧鉞萬人安磐石八表翼宮闕中丞
柱石資名蹟兩碑矧 朝廷須重臣蒼然下秋鵠江淮
歲凋瘵水滂憂蕩汨繁華久爲祟爲生固矻矻中間寇

亂興誅斂力尤竭官民少蘇息必在安耕墜兵食二者
間何以應倉卒公才水注海得救萬夫渴好才出心性
夙昔見風骨頗愧詩家流感事多激越長江一帆水磨
淬古日月憑公靜波浪一飽吳淞鱸

奉贈太子太保李一丈四十韻

南紀滄溟闊中台象緯高幾人扶日月萬里肅旌旄開
府吾鄉彥勳名曠代遭 廟堂咨岳牧風俗潤夔臬銅
浦江浮象鍾陵海斷鼇封疆連右臂措置等秋毫滴瀉
蛟螭窟恢張虎豹韜大名陶侃贊異數呂虔刀旱澇瘡
痍眾恩威撫馭勞宣防魚屢沸郡國雁空噉農政資寬

斂官箴急補牢九州通貢賦八政列鹽漕揚海交諸路
帆檣擁萬艘紆回行郡邑宵小突波濤隄堡兼工役河
淮領水曹弊深難僂指事急類吹毛五蠹茲偷慣孤罷
許與豪經綸歸勝算節制服同袍轉念疆場警須崇頗
牧褒島夷雖弭伏舶市尙誼囑約法辭番馬陳書戒旅
葵流波防靡蕩異物況腥臊黠鼠潛窺伺游鯨且遁逃
吳宮栽茉莉漢苑樹葡萄要使三韓伏羣瞻九命叨艱
難儲智略籌畫潤脂膏餘事親風雅流傳被俊髦斯文
光郢漢聞氣得莊騷並捲波濤入兼同橐籥操再傳偕
卻固繼起贊軒陶 國典隆師保家恩獻酒羔侯門雙

戟闕王母八琅璈望楚雲千嶂遊吳水半篙低徊雷獎
掖感激出蓬蒿春雉容窺鏡秋鷹臂解條提攜先阮瑀
去住感黃滔劍拂長虹動雲鸞巨翻翺飛騰勤藻翰傾
倒近醇醪雨雪天行晚關河首重搔射堂陪賦筆揮灑
上旌翻

與黃太史

彭年

老弟從容尺五天聲名端不減時賢名山古蹟還來訪
落日滄波好放船忽憶紫宸天半路卻歸黃鵠閣中
眠
廟堂有意用匡孔準辦乘槎朝日邊

王符近有潛夫論與子同爲霜落人幾日沈酣向杯底

一時分散各江濱
鳧鷖亂下沙汀晚
鰕菜忘歸郢水春
慚媿螺洲詩老宅
早抽簪笏挂松筠

唐方伯

樹義

夢研齋詩

金陵已破汀州摧
桂林辱王安在哉
當時君臣勢倉卒
崎嶇片土甍餘灰
尙書皇皇抱此研
干戈羽檄相磨挨
百年精氣耿未滅
洩雲噴墨高峩嵬
流傳到今二百載
紫石割斷蒼雲堆
巍冠大顙夢相授
阿翁醉眼增疑猜
故知忠臣一寸血
盪決楚粵塵沙來
要今濡染入公手
一洗往日千悲哀
嗟哉越嶠今邊鎖
狐豕奔突聲相應
聖心虛佇責內治
意在破格求伊萊
國家深仁被

六合跌宕萬里寰區開可憐英奇兀躡運平世旌纛襲
庸才事有至難在人耳一柱尙足支傾頽書生感激百
無補手摩目注空徘徊古人往矣此心在憤激欲挽東
流迴飛章草檄灑英翰高擎大箭圖雲臺題詩取證語
非謾媿乏健筆相追陪

王立望雲思親圖

人生當作五湖遊安能終老荒山邱亦有張騫傅介子
立功絕域生封侯忽獨看雲向江水老親在堂身萬里
徑思歸飯百甕菹暮歸養親朝負耜十年奔走輕風塵
嗟我亦是支離人高車大馬徒碌碌一生長媿白頭親

奉贈陶觀察

榘

大名天下歸陶侃
往往流傳到腐儒
細憶生平多雅故
慣聞感激出窮途
一朝掌故斯文繫
兩宋詩歌曠代無
耆舊襄陽紛屬眼
競思投袂起江湖

西山晴爽俯朝軒
斷角疏簾半掩門
幾日樓臺曾對雪
百年江漢數開尊
黃樓赤壁尋陳迹
畫省青藜續舊恩
間道逢迎眞忝竊
梅花東閣負晴暄

唐方伯席上賦贈朱侍御

琦

南流匯荆郢
諸使承符節
主持文章地
許與必雄傑
傑桂林實英
偉斯文有圭臬
東堂初集議
聲名冠朝列
我

皇勤治化庶事多內決透迤紀綱地不得挂喉舌維時
三御史閩里豔傳說每疏抗時論姦饗氣爲折纍然值
薄譴吏議類排訐君亦請告歸灑落風塵別篋中百卷
詩老筆屈強鐵新詞摩屈宋高論抵軒頡彌縫章句間
窮老事甘綴宛陵老詞翰許君過往哲霹靂貫摧動淵
潭蓄澄澈君又受以虛鑒裁及蹇拙 國朝盛詞藻流
被必才哲乾嘉逮今日文氣稍衰茶往往邊隅地名俊
鬱奇譎屈伸誰之爲正氣有蓄泄大賢所經事有感常
激烈君詩乃一隅開讀猶凜冽承顏一歡慰每進歸峻
潔山川晚對酒江漢寒生雪賴倚高堂會慰我心苑結

王比部柏心舉消寒會得八人僕與黃太史前後至并
因比部關入爲賦此詩

嚴冬江漢水風力日驕橫乘陵及草木交拄如爭競城
中扃門戶霜霰日騰暎中有好事人促席發高詠王君
走告我支離頗自聖同時作者七矧接才華盛闐然入
其戶起坐相賓敬低顏奉杯盞盡醉豈辭命叩門黃郎
至幡然往使聘哆口疏眉屨危坐容色正磊落斯文徒
從容一堂併江天照几席俯仰入瑩淨巖石撐山稜鋪
池疊水鏡疏寒澈肌骨出語皆傲勁主人不猜忌反更
相幸慶唱吾與數君川谷逐游泳發揮酒茗內刻削吐

天性遂恐平生游斯景後難更勉率成此詩惟餘語痠
硬

姚氏園

平生泉石癖殊嗜入骨髓但聞好林園每至輒淹晷漢
源山水交華棟相比倚姚園數里間晁盪如結綺勤思
不一到默默欲何俟今晨天宇曠老興森然起欹冠款
壁入重門頗歷抵紫房入雲氣飛構欹山峙逶迤鏡堂
空蕩蕩天浮水登石鏗泉聲庭風散花藥領略心口閒
雕鏤母已侈人身天地寓山水亦寄爾王侯與顯宦高
拱華屋裏詎忍終朝遊眩惑迷所使恐懼絲篁音濁亂

來經戰伐往事說孫曹亦笑聞花草題詩今古勞
向晚忽不樂當春生意慵悠悠夢裏鳥落落人中龍試
插乾坤腳高羅星斗胸臨風一長喝孤鶴起西峯